



LET'S WORK
A global partnership to create
more & better private sector jobs



Grupacija Svjetske banke objavljuje pobjednike takmičenja mladih u pisanju eseja na temu radna mjesta u BiH

SARAJEVO, 9. maj 2014. – Grupacija Svjetske banke je danas objavila pobjednike takmičenja u pisanju eseja na temu rješavanje pitanja nezaposlenosti među mladima u Bosni i Hercegovini (BiH). Cilj takmičenja je da se čuje glas i stav mladih, da se od njih sazna kako na najbolji način prevazići izazov nezaposlenosti u njihovoj zemlji.

Velika nezaposlenost i dalje ostaje ključni izazov u BiH. Ona je čak i istaknutija među mladima, od kojih skoro 40 procenata niti radi, niti studira.

Takmičenje u pisanju eseja na temu: „*Rješavanje problema nezaposlenosti mladih u Bosni i Hercegovini: Mišljenje moje generacije*“, je privuklo velik interes, uz dostavljanje radova 150 učesnika dobi između 18 i 30 godina iz cijele zemlje.

Nagrade su osvojili:

1. Prva nagrada - KM 5,000: Ajka Baručić, Tuzla
2. Druga nagrada - KM 3,000: Enes Tinjić, Tuzla
3. Treća nagrada – po KM 1,000: Damir Kurtagić, Sarajevo
Marina Andrijević, Sarajevo i
Nera Herceglič, Sarajevo

“Čitajući eseje, zaključila sam da mladi shvataju da je potrebno ne samo da riješimo problem nezaposlenosti, već i da trebamo ukloniti ključne barijere za otvaranje radnih mjesta,” naglasila je **Asja Čengić**, izvršna direktorica Centra za politike i upravljanje i članica komisije za ocjenjivanje radova. “*Reforma obrazovnog sistema i povezivanje s tržištem rada; korupcija, finansijska kriza i nepotizam su pitanja koja se najčešće ističu u radovima. Moramo više uložiti u iznalaženje inovativnih načina za rješavanje tih pitanja da bismo osigurali bolje – i što je još bitnije, relevantnije – obrazovanje i kvalitetna radna mjesta za uspješno zapošljavanje mladih u BiH*”.

Komisiju za ocjenjivanje radova su činili članovi Grupacije Svjetske banke i priznati stručnjaci iz privatnog sektora i civilnog društva u BiH. Glavni kriteriji za ocjenjivanje su bili inovacija i originalnost; relevantnost; te posebno preporuke za rješavanje problema koje se mogu provesti u djelo. Da bi se osiguralo fer i nepristrasno ocjenjivanje, radovi su se dostavili komisiji pod šifrom bez imena i prezimena i mjesta stanovanja autora.

“Htjela bih čestitati svim učesnicima u ovom takmičenju, a naročito autorima nagrađenih radova, za njihove inovativne ideje kako prevazići izazove vezane za otvaranja radnih mjesta za mlade u ovoj zemlji” naglasila je **Anabela Abreu**, šefica ureda Svjetske banke u Bosni i Hercegovini. “*Problem radnih mjesta u BiH je urgentan. Potrebno je nastaviti proces reformi da bi se mogao otvarati veći broj kvalitetnih radnih mjesta, uključujući i radna mjesta za mlade. Grupacija Svjetske banke je posvećena pružanju podrške BiH na sprovođenju reformi*”.

Ovo takmičenje je podržano od strane globalnog partnerstva [Let's Work](#), kojeg čine privatni sektor, međunarodne finansijske institucije, donatori i drugi partneri u cilju otvaranja većeg broja kvalitetnijih radnih mjesta. Aktivnosti koje provodi *Let's Work* koordinira IFC, članica Grupacije Svjetske banke koja se bavi privatnim sektorom, s ciljem jačanja oblasti u kojima se može

otvoriti veliki broj radnih mjesta i poboljšati njihov kvalitet. *Let's Work* spada u dio aktivnosti Grupacije Svjetske banke koje se odnose na radna mjesta, kao jedan od osnovnih načina za ostvarivanje svog cilja iskorijenjavanja ekstremnog siromaštva i poticanja prosperiteta za svo stanovništvo.

Roland Michelitsch, globalni šef *Let's Work* inicijative, koju koordinira IFC, rekao je: “*Ovo takmičenje mladih u pisanju eseja je izvrstan način da se mladi iz Bosne i Hercegovine direktno uključe, da ih se čuje i da ih se osnaži da rade na kritičnim pitanjima koja ih pogađaju na ličnom nivou. Nadamo se da ćemo putem takmičenja poput ovog stvoriti platformu za buduće lidere i one koji će uvesti promjene u ovoj zemlji, te za učenje od onih koji su najviše pogođeni krizom nezaposlenosti*”.

Održavanje ovog takmičenja u pisanju eseja je omogućila velikodušna podrška vlada Nizozemske i Švicarske (SECO).

Kontakti:

U Sarajevu: Jasmina Hadžić, +387 (33) 251-502, jhadzic@worldbank.org

U Washington-u: Esther Lee Rosen, +1 (202) 473-5904, erosen@ifc.org

Za više informacija o Grupaciji Svjetske banke u BiH: www.worldbank.ba i www.ifc.org
<http://www.facebook.com/worldbank> and www.facebook.com/IFCwbq

Informirajte se putem Twittera: <http://www.twitter.com/worldbank> i https://twitter.com/IFC_org
<http://www.youtube.com/worldbank> i <http://www.youtube.com/user/IFCvideocasts>